



*VI 1329b*

Unha vella fixo papas  
e botounas nunha criba  
puxo a criba na cabeza  
escaldouse a vella viva.

Na beira do mar  
hai moito que ver  
baila miña Maruxa si  
baila que has de bailar.

Vente vindo, vente andando  
que che quero vela cara  
que me din que eres morena,  
a min morenas me agradan.

*VI 1674b*

Miña nai por me casar-e  
ofreceume unha ghaliña  
ahora que me casei  
nin ghaliña nin outra cousa.

Déixame ir que logho veño,  
déixame ir que logho veño,  
déixame ir seghala herba  
ó mellor prado que teño.

Eu quería-me casar-e  
miña nai dime que é cedo  
ela como está casada  
non sabe as ghanas que eu teño.

Túa nai e máis a miña  
van xuntas na romaría  
levan a roupa del ghala  
deixan a de cada día.